

Isalathiso: 20210813 -4967  
Inombolo yefayili: 12/17/11  
Imibuzo: E Stofile

INGcaciso eMfutshane yeCandelo le-eLearning: 0006/2021

Iya: KumaSekela Balawuli-Jikelele, kuBalawuli abaziiNtloko, kuBalawuli (kwaNdlunkulu nakwii-ofisi zezithili), kwiiNtloko zoKunika iNkxaso kwiKharityhulam, kuBaphathi beeSekethe, kumaSekela eeNgcali zeMfundo eziziiNtloko, kuBaququzeleli be-FET, kuBacebisi ngeZifundo nakwiiNqununu zezikolo ezifundisa iBakala 12

**Isihloko: Ibhanki enguvimba wedatha yeSatifikethi seMatriki sikaZwelonke yesistim yekhompuyutha yemibuzo neempendulo**

1. Iyafumaneka inkxaso kubafundi ababhala uviwo lweSatifikethi seMatriki sikaZwelonke (NSC) yemathiriyeli echaphazelekayo ukulungiselela ilayibrari yesistim yekhompuyutha ekwifomathi yemibuzo neempendulo (Q&A) esekelwe kumaphepha emibuzo e-NSC eminyaka egqithileyo, kwi-Learning Management System (LMS). yeSebe leMfundo leNtshona Koloni. (Makufundwe apha <https://wcedelearn.westerncape.gov.za>.)
2. Le bhanki inguvimba wedatha yemibuzo neempendulo inxulumene namaphepha emibuzo e-NSC aphakathi ko-2008 no-2020 yaye iquka izifundo ze-Curriculum Assessment Policy Statement kuzo zombini iilwimi, isiNgesi nesi-Afrikansi. Abafundi banikwa ithuba lokuvavanya iimpendulo zabo kwimibuzo, yaye bayinikwa ngoko nangoko inkcazo ngokuqhubekayo.
3. Ezi zibonelelo zemibuzo neempendulo (Q&A) zisekelwe kwicandelo lokuqala lamaphepha emibuzo eminyaka egqithileyo kuzo zombini iindidi zefomathi zemibuzo, imibuzo ekhethisayo (*multiple choice*) nemibuzo efuna iimpendulo ezimfutshane yaye zinganako ukusetyenziswa njengenxalenye yeeklassi zokufikelela kwikhontenti ekufuneka ifundiwe, ezenzelwe iinjongo zokurivayiza okanye njengoko kuyalelwe ngootitshala bezifundo.
4. Izifundo ezifumanekayo zidweliswe kwisihlomelo esiqhotyoshelweyo. **(Makufundwe isiHlomelo A.)**

5. Ukufikelela kwizibonelelo, abafundi beBakala 12 kufuneka babeneenkukacha zokungena kwikhompyutha (*login details*). linkcukacha zokungena kwikhompyutha mazisetyenziswe xa kulandelwa amanyathelo alandelelanayo esikhokelo esingezantsi. Oku kuya kuqinisekisa ukuba abafundi bafikelela ngqo kwizibonelelo zemibuzo neempendulo (Q&A) ezifumaneka ngoku nezihambelana nezifundo zabo abazikhethileyo.
6. linkcukacha zokungena kwikhompyutha zomfundi ziyafumaneka kwi-“**CEMIS**”, phantsi kwe-ayithem yemenyu ephawulwe “**Reports**”, emva koko phantsi kwemenyu engu- “**LMS**”. Kunokwabelwana nabafundi beBakala 12 **ngeeNkcukacha zoMfundi zokuNgena kwikhompyutha**.
7. Kunikwe isikhokelo esinamanyathelo alandelelanayo ukuncedisa abasebenzisi bekhompyutha bafikelele kwezi zibonelelo zemibuzo neempendulo (Q&A). (**Makufundwe isiHlomelo B.**)
8. Ukuba nifuna ingcaciso okanye inkxaso engaphezulu, kucelwa niqhagamshelane nabacebisi be-eLearning bezithili zenu ngokusebenzisa le linki ilandelayo:  
<https://wcedonline.westerncape.gov.za/elearning/elearning-contact-your-elearning-advisor>.
9. Kucelwa iinqununu ukuba zazise ngokuqulethwe yile ngcaciso imfutshane bonke ootitshala nabafundi ukuze bakuthathele ingqalelo.

**ISAYINWE:** NGU-H MAHOMED

**USEKELA MLAWULI-JIKELELE OBAMBELEYO WEKHARITYHULAM NOLAWULO LOVAVANYO**

**UMHLA:** 2021-08-17